



Na osnovu člana 8. stav (2) i (3) Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05, 60/10, 32/13 i 93/17), predsjednik Centralne izborne komisije Bosne i Hercegovine, raspisuje

JAVNI OGLAS

za prijem u radni odnos zaposlenika na određeno vrijeme u Sekretarijat Centralne izborne komisije Bosne i Hercegovine na period do devet mjeseci

(1) Sektor za izbore i informacione tehnologije

a) stručni savjetnik za prijavu, ovjeru i rad s političkim subjektima
u Odsjeku za izbore

1 (jedan) izvršilac

Kratak opis poslova:

Stručni savjetnik za prijavu, ovjeru i rad sa političkim subjektima vodi najsloženije upravne stvari u prvostepenom upravnom postupku za proces ovjere političkih subjekata na osnovu različitih dokaznih sredstava, a koji se tiču provođenja odredbi Izbornog zakona BiH i koji prethodi rješavanju pravne stvari; izrađuje nacрте i prijedloge odluka, zaključaka i rješenja vezane za proces ovjere političkih subjekata; predlaže i izrađuje izmjene Izbornog zakona BiH, kao i nacрте i prijedloga pravilnika, uputstava, procedura i instrukcija u vezi ovjere političkih subjekata; vrši prijem prijave političkih subjekata i kandidatskih listi za ovjeru za učešće na izborima na svim nivoima vlasti i provjeru usaglašenosti istih sa zakonskim i podzakonskim propisima i vrši korespondenciju sa političkim subjektima; vodi elektronsku evidenciju po pitanju ovjere za učešće na izborima i vrši provjeru kandidata po zahtjevu Vijeća ministara BiH; kontroliše sadržaj glasačkih listića i odgovoran je za tačnost podataka u sadržaju glasačkog listića; obavlja i druge poslove koje mu odredi šef odsjeka i za svoj rad odgovoran je šefu odsjeka za izbore.

Posebni uvjeti:

VII. stepen stručne spremlje završen fakultet društvenog smjera odnosno fakultet društvenog smjera Bolonjskog sistema studiranja sa najmanje 240 ECTS bodova, položen stručni upravni ili javni ispit, najmanje tri godine radnog iskustva u struci, poznavanje rada na računaru

Opći uvjeti:

1. da je državljanin Bosne i Hercegovine,
2. da ima navršenih 18 godina,
3. da je fizički i psihički sposoban za obavljanje poslova radnog mjesta na koje se prijavljuje,
4. da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno sa umišljajem u skladu sa krivičnim zakonima u Bosni i Hercegovini i
5. da nije obuhvaćen odredbom člana IX stav (1) Ustava Bosne i Hercegovine.

Način prijavljivanja

Uz prijavu na oglas potrebno je priložiti slijedeća dokumenta-ovjerene kopije:

- uvjerenja o državljanstvu (ne starije od 6 mjeseci od dana izdavanja od strane nadležnog organa);
- fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po Bolonjskom procesu studiranja uz fakultetsku diplomu i dodatak diplomi; iznimno, samo u slučaju da visokoškolska ustanova dodatak diplomi nije uopće izdavala, niti za jednog diplomca, kandidat je dužan da uz ovjerenu kopiju fakultetske diplome dostavi uvjerenje visokoškolske ustanove da dodatak diplomi nije uopće izdat niti za jednog diplomca;
- potvrde ili uvjerenja kao dokaz o traženoj vrsti radnog iskustva;
- uvjerenje o položenom stručnom upravnom odnosno javnom ispitu;
- izjavu da nije obuhvaćen odredbom člana IX stav (1) Ustava Bosne i Hercegovine;
- dokaz o traženom nivou znanja rada na računaru i
- biografiju sa adresom stanovanja i kontakt telefon.

Napomena: Nakon završenog postupka izbora, izabrani kandidat će biti dužan prije zasnivanja radnog odnosa dostaviti ljekarsko uvjerenje da je zdravstveno sposoban, ne starije od tri mjeseca i uvjerenje da se ne vodi krivični postupak, ne starije od tri mjeseca izdato od nadležnog suda.

Oglas ostaje otvoren deset (10) dana od dana objave.

Neblagovremene i nepotpune prijave, prijave kandidata koji ne ispunjavaju uvjete ovog oglasa, kao i kopije tražene dokumentacije koje nisu ovjerene, neće se uzeti u razmatranje. Kandidati koji ispunjavaju uvjete oglasa bit će pozvani na razgovor i prethodnu provjeru (testiranje) poznavanja poslova radnog mjesta na računaru.

Prijavu sa dokazima o ispunjavanju općih i posebnih uvjeta, s adresom, kontakt telefonom, poslati poštom ili predati lično na adresu: Danijela Ozme broj 7, 71000 Sarajevo sa naznakom „Javni oglas“.